













G. Nely 9 No 14

45

28,321/B

C II m  
18

N4

ALPHABETICALLY

PHYSIOLOGICAL

PERIODICALS

18

S O M E

ALPHABETICALLY




THE UNIVERSITY OF CHICAGO

LIBRARY OF THE UNIVERSITY OF CHICAGO

1891-1892

U N I V E R S I T Y

CHICAGO, ILL.




DISPUTATIO PHYSIOLOGICA

INAUGURALIS,

DE

S O M N O.



for Lieutenant Major  
with Compt from his  
much obliged friend  
The Author



DISPUTATIO PHYSIOLOGICA  
I N A U G U R A L I S,  
D E  
S O M N O.

Q U A M,  
A N N U E N T E S U M M O N U M I N E,  
Ex Auctōritate Reverendi admodum Viri,  
D. GULIELMI ROBERTSON, S.S. T.P.

A C A D E M I Æ E D I N B U R G E N Æ P r æ f e c t i ;

N E C N O N

A m p l i s s i m i S E N A T U S A C A D E M I C I c o n s e n s u,  
E t n o b i l i s s i m a e F A C U L T A T I S M E D I C Æ d e c r e t o,  
P R O G R A D U D O C T O R A T U S,  
S U M M I S Q U E I N M E D I C I N A H O N O R I B U S A C P R I V I L E G I I S  
R I T E E T L E G I T I M E C O N S E Q U E N D I S ;

Eruditorum examini subjicit

J O A N N E S H E M M I N G,  
B R I T A N N U S,

Societ. Reg. Med. Edin. Soc.

Nec non

Societ. Chir. Phys. Ed. Soc. Honor.

Ad diem 24. Junii, hora locoque solitis.

Sunt geminae Somni portae, quarum altera fertur  
Cornea, qua veris facilis datur exitus umbris :  
Altera candenti perfecta nitens elephanto ;  
Sed falsa ad Coelum mittunt insomnia manes

VIRGIL.

E D I N B U R G I:  
Apud B A L F O U R et S M E L L I E,  
Academiae Typographos.

---

M,DCC,LXXXV.



71259





Viro imprimis ornatissimo

FRANCISCO HOME, M. D.

Medico Regio, Collegii Medicorum Edinburgi Socio,

Et Medicinæ Materiaeque Medicæ Professori,

In Academia Edinenfi,

Qui multiplici doctrina, medicinæque peritiâ,

Floret,

Et animi benevolentia, morumque integritate,

Amorem et æstimationem omnium

Conciliat;

Propter beneficia innumera

in se collata,

Hanc dissertationem inauguralem

Sacram esse voluit :

Nec non







Nec non

Patrum optimo,

Carissimo, indulgentissimo,

T H O M Æ H E M M I N G,

Chirurgo apud Kingston,

In comitatu Surria,

Ob amorem vere paternum,

Quo ab ineunte aetate hucusque

Se semper fuerit profecutus,

Et ob summam curam

Quam in Elementis Medicinae erudiendo posuerit,

Hasce studiorum primitias

Sacras esse voluit

J O A N N E S H E M M I N G.







# DISPUTATIO PHYSIOLOGICA,

## I N A U G U R A L I S,

D E

## S O M N O.

**L**AUREAM Apollineam ambienti, et almae  
hujus academiae parenti legibus ita constitutis,  
ut nemini summis in medicina honoribus ante potiri fas  
sit, quam aliquod fui in scientiis progressus specimen in  
publicam lucem ediderit, etiamque mihi cogitanti quid  
potissimum tractandum seligerem, pauca de somno dis-  
ferere placuit. Nec quidem hoc pensum aggredior,  
spe elatus themati obscuro clariorem lucem afferendi.



Si tantum inter animalia spectemur et contemplemur quantum somnus omnibus prodest ad vires naturae exhaustas reficiendas, (quod ab illustri Shakespear coloribus pulchris sequentibus exprimitur,

‘ Sleep, that knits up the sleeve of care,

‘ Chief nourisher of life’s feast,’)——

manifeste patebit, quantum est momenti, tum in medicina tum philosophia, causae suae investigatio.

Propter has causas, fert animus pauca de re, quae tantum ad sanitatem omnium animalium conducit, dicere. Maximam propter obscuritatem qua causae tegantur, summa cum diffidentia metuque (aequitate benevoli lectoris prius rogata) moliri incipiam, certior rem tantis argumentis amplam multum meum ingenium superare, qui pauculos tantum annos medicinae incubuerim, nec intra limites legitimas hujus dissertationis possit contineri. Igitur, lectores candidi, minime sperate perfectam fore.

Paginis in sequentibus maxima mihi cura erit, imprimis,

Phaenomena omnia praecipua, quae in hominibus sanis comitantur, narrare.

2do, Causas varias somnum inducentes enumerare.

3tio, Causae proximae investigationem tentare.

4to, De ejus utilitate apud animalia tractare.

5to, Pauca de somniis loqui.

## D E F I N I T I O.

Si mihi judicare fas sit, sequentem offeram, viz.

Somnus in tota fere functionum animalium cessatione, magna cum vitalium et naturalium imminutione, constat.

Machina animalis arte prorsus divina constructa nobile opus, nec nisi Uni excogitandum, certe omne humanum ingenium excedens, multis et miris naturae operibus fungi apta fit, tum quae ad sensum tum quae ad motum pertinent; neque fons et origo virium quibus machina movetur haecenus pro certo detegantur.

Illae autem vires non diu permanent idoneis nisi temporibus desistunt, ut vires, solitis diei laboribus exhaustas, reficiant; quamobrem suavissimi somni se complexibus fidere cogitur, cujus e gremio alacris, vegetus,

et



et reſectus reſurgit, et omnibus tum corporis tum mentis functionibus apta fit.

## P H A E N O M E N A.

Quoniam phaenomenorum ſomni decurſus, a Gregorio celeberrimo noſtro pulcherrime et accuratiſſime depingitur, me iudice, ejuſdem repetitio, nunc temporis lectoribus potius placebit.

“ Poſt ſolitos diei labores, levem coenam, venerem modice cultam, ſuaviſſimus ſomnus obrepit, ſuadentibus tenebris et ſilentio noctis. Praecedunt amor quietis et animi pariter et corporis tranquillitatis, debilitas, laſſitudo, defatigationis ſenſus, in iis muſculis praefertim quibus maxime uſi ſumus, et oſcitatio et frequens et valida artuum extenſio ; ſenſuum externorum hebetudo, internorum confuſio, attentio diſtracta, neque voluntati parens, recordatio injuſſa, invita, imaginatio vaga et credita demum, delirii ſpecies, poſtremo omnium rerum oblivio. Muſculi fatigati et relaxati, neque

que singulas quibus adnectuntur partes, neque ideo totum corpus regere et sustinere possunt. Palpebrae nictant, et tandem clauduntur; maxilla cadit, caput nutat, omnia membra leviter flexa quiescunt, et corpus ipsum antrorsum flectitur, nisi decumbit dormiens. Pulsus arteriarum tardiores et pleniores fiunt, respiratio lentior et profundior, et multi dormientes stertunt; calor minuitur, et pleraeque secretiones; et soliti appetitus et propensiones non percipiuntur.

“ Diuturnitas somni pendet multum ab aetate, temperamento, consuetudine, et demum corporis statu quo somnus obrepserat. Finem eidem imponunt varii stimuli, vel extrinsecus admoti vel intus orti, lux, strepitus, tactus rudior, fames, sitis, propensio ad urinam reddendam, &c. Tandem somnus rumpitur, neque adeo subito, quin perturbatio sensuum internorum, insomnium, hebetudo, et imperfectus externorum sensuum usus, plerumque observentur, et saepe insomni matutini recordemur, aliorum plerumque obliti. Expergiscimur demum, oscitamus, membra diu flexa extendimus, non secus ac dormituri feceramus; appetitus et propensiones naturales denuo percipimus; exigu-

guo



guo temporis spatio omnium corporis animique facultatum compotes facti †.”

## CAUSAE INDUCENTES SOMNUM.

Plerumque apud medicos omnia quae somnum adducunt vulgo sedativa appellantur.

Tantas autem ob controversias scriptorum de hac re valde mihi fit difficile medicamentis, quae strictius sedativa appellanda sunt, limites praescribere.

Quoniam mihi minime de sedativis dissertationem exhibere nunc temporis animus est, tantum dicam, ut sentio qua ratione ut plurimum haec omnia somno aliquem afficiunt. Omne quicquid vim cordis et articularum imminuit sedativum vocatur, cujus actio imprimis ex vi cerebri nervorum, vel, verbis paucis, vi nervosa pendet; cum autem contra multum pendet ex systematis totius irritabilitate, quae denuo fibrae musculosae quadam conditione amplissime moderatur, manifeste patebit medicamenta esse innumera, et inter se  
valde

† *Conspect. Med. Theoret.* p. 209 vol. 1.

valde discrepantia, quae variis temporibus variisque rebus vim sedantem producant.

Motus corporis singuli a variis rebus reguntur, praesertim quodam cerebri nervorum fibrarumque muscularium statu, quo quibusdam stimulis affici apti<sup>A</sup> fiunt, pro viribus eorumque naturis. Motus igitur excitati, aliqua ex parte, omnibus ex his causis conjunctis reguntur. Exempli gratia; arteriarum pulsatio validior aut frequentior erit, a variis causis adversis, scilicet, a nimia vasorum distensione, nimia irritabilitate aut debilitate, aut vehementi stimulo universo corpori admoto. Hinc maxime manifestum est, cur, variis temporibus, varia medicamenta eundem effectum producant.

In febribus igitur, quibus diathesis adest phlogistica, opus est evacuationibus variis, viz. venaesectione, remediis purgantibus, &c. emollientibus, viz. balneis tepidis, pediluvio, et fomentis; quae non tantum per vim laxantem, sed praesertim ob cursum sanguinis versus caput (quieti maxime inimicum) imminutum, somnum producant. In febribus contra et aliis morbis, quibus maxima sit debilitas, et fibrarum muscularium laxitas, remediis astringentibus et roborantibus opus est; nunc corporis exercitatio et calor externus, nunc quietudo et  
frigoris



frigoris applicatio, nunc opium, nunc aromata, vel vinum, vim sedativam praebent. Fluidis acrimonia repletis, remedia demulcentia et antiseptica somnum aegrotis invitant. Remediorum talium, si ultimos eorum effectus respiciamus, actio certe sedativa sit; sed inter classem sedantium enumeratio absurda et stulta foret.

Eorum actione universa finita, nunc singulas discrete causas enumerare incipiam.

Inter causas inducentes somnum, cerebrum duplici adverso se modo habens, primum sibi locum vindicat, viz. ille ab inanitione, hic a repletione.

Homines, et, ni fallor, caetera animalia, saepissime ex inanitione somnus sua sponte obrepit; nec est ratio obscura, argumentis sequentibus physiologicis rite spectatis.

Corporis totius nutritio, uno et eodem fluido, chylo nominato, paretur, fonte eadem, viz. alimento extracto, et iisdem secretionibus, viz. liquore gastrico, succo pancreatico, et bile assimilato.

Chylus ex alimentis hoc modo extractus, per vasa lactifera et ductum thoracicum ad massam sanguineam convehitur, ac viribus cordis et arteriarum variis organis secernentibus propriis diffunditur; quaedam pars igitur chyli, quae singulis secretionibus aptior sit, tan-

tum

rum obtinetur, et quantitas pro qualitate et alimenti natura major aut minor erit.

His ita praemissis, actiones secretionum perpetuae, et cerebri praecipue, ex necessitate, quae prius obtinuerunt quodam tempore exhauriunt; haud aliter igitur actione quotidiana systematis nervosae vis ejus imminuitur; et quoniam caeterarum actio corporis functionum viribus cerebri et nervorum respondit, tanto plus languent, quanto plus vires exhauriuntur. Quapropter, post solitos diei labores, cerebrum quieti est proclive, et muscoli etiam, arctum ob nexum qui eos et nervos intercedit, et functiones animales quiescunt, et tota vis nervea ad circulationem sustinendam collocatur.

Somnus repletionem adductus, tantum in temperamentis obesis et plethoricis adest, et morbo proximus est, omnia eorum vasa maxime turgent, cuncta secretio est copiosior, alimenti concoctione corporis actiones obruntur, et propter singularum partium plethoram omnes functiones reficiuntur, iis tantum exemptis quae vitam ad sustinendam maxime juvant.

Fars tota est plethorica, vasa cerebri maxime turgent; hinc fons stuporis et comatis adest; hinc iis in hominibus ad apoplexiam et lethargum proclivitas prae-



dominat ; hinc fomni, praefertim post pastum, aucta cupiditas.

Fames et sitis, vim ob stimulantem tunicis ventriculi et parti oris internae, fomno maxime oppugnant. Stimulus autem remotus fomno contra maxime favet ; hinc multi homines et animalia post pastum obdormiscunt.

Inter stimulantia, libido venerea loco maxime digna est ; fomno igitur valde inimica. Sed post modice cultam, et opere quamprimum finito, juveni priusquam fervido amore ardenti et vivido, non idem est vigor in vultu, nec vis eadem in oculis, corpus nonnihil semper languet, aliquando diu inguen detumet, sanguine parcior affluente, copiosiore per venas resumpto, cupido pacatur, irritatio summovetur, corpus solvitur, et somnus facilius obrepit.

Animo ex studio, anxietate, et curis irritantibus se vacuum habente, inter silentium et tenebras noctis, nisi morbus aut dolor adsit, somnus sua sponte saepissime supervenit. Attamen notando dignum est, silentium nequaquam omnibus fomnum ad gignendum sufficere ; cuius ratio tantum animo se male habente, et multis curis aut rebus adversis vexato, evenit. Rebus sic stantibus,

foni

soni suavissimi musices, et alii, scilicet, susurrus apum, murmur labentis rivi, oratio frigida plumbea, ipsius denique memoriae talis exercitatio, qualis neque nimis laboriosa est neque mentem ullo modo commovet, sed tantum mala aut scelera atrocia cogitantem avertit, somnum afferunt. Cujus exemplum Shakespeare pulcherrime sequentibus depingitur.

How many thousand of my poorest subjects  
Are at this hour asleep? O gentle Sleep,  
Nature's soft nurse, how have I frighted thee  
That thou no more will weigh my eyelids down,  
And steep my senses in forgetfulness?  
Why rather, Sleep, ly'st thou in smoky cribs  
Upon uneasy pallets stretching thee,  
And hush't with buzzing night-flies to thy slumber,  
Than in the perfum'd chambers of the great,  
Under the canopies of costly state,  
And lull'd with sounds of sweetest melody?  
O thou dull God, why liest thou with the vile  
In loathsome beds, and leavest the kingly couch  
A watch-case to a common larum bell?

Calor



Calor inter stimulantia plerumque numeratur ; sed inter remedia sedantia non immerito recenseri potest, quoniam corpori ejus applicatione motus minuuntur, dolores levantur, et somnus diu optatus demum inducitur.

Hujusmodi autem caloris effectus non primae atque simplici in corpore actioni, quae contraria esse videtur, neque excessui virium ejus stimulantium, sunt tribuendi ; manifeste enim pendent a vi ejus emolliente et relaxante, qua, solutis imprimis cute partibusque externis, omnes fere corporis partes, et praesertim fibrae musculosae, cum grandium lacertorum, tum quoque cordis et arteriarum, aliquantum solvuntur et debilitantur ; unde minor impetus sanguinis per totum corpus, ideoque per cerebrum, et vis cerebri nervorumque multum immiuta ; hinc summa debilitas, somnus, et nonnunquam animi deliquium sequuntur \*.

Omnium animalium mobilitatis et sensus prima causa et origo est calor ; ex hoc fonte animalium vita alimentum ducit †, calore ablato, torpor succederit, stuporque  
quin

\* Vide Gregory de sedativis, in conspect. med. theoret. pag. 339. vol. 2.

† Vide Dr Black.

quin et ipsa mors sequeretur. Frigus autem non in omni quocunque gradu sedativam in corpore humano vim exercet, ob facultatem caloris generandi qua praeditum est, qui thermometri a Farenheito inventi gradui circiter nonagesimo octavo respondet; cujus facultas permanet aëris externi temperie gradui sexagesimo secundo respondente \*; quilibet autem hoc inferior gradus, si corpori nudo et inertī diutius admoveatur, sedativam vim frigoris (Culleno testante) exercebit; quae ex gradu majore et duratione pendet, sed variat pro diverso statu corporis et modo quo applicetur. Sedativa frigoris vis sequenti historia pulchre illustratur.

Celeberrimi viatores Bankius et Solander, quando apud Terram del Fuego in angustiis Le Maire dictis morabantur, plantas quaesituri, cum fociis montem ascenderunt, in quo frigus violentum erat nivalesque flatus frequentissimi.

Hic, cum prope summum cacumen, horam usque ad octavam vespertinam manere res postularet, totam noctem exigere coacti sunt. Solander qui montēs, quibus

Suedi

\* Vide Cullen's practice of physic, xciv.



Suedi a Norvegis dividuntur, saepius transisset, frigore violentiori torporem et somnolentiam fere insuperabilem fatigatis praecipue oriri, probe compertum habebat : Comites itaque, etsi exercitatio difficillima esset, somnusque lassitudinem solaturus videretur, ne inertes tamen starent obtestatus est : Quicumque, inquit, recubuerit, dormiet ; et quicumque dormierit, amplius non expergiscetur. Revera eo rigoris crevit frigus, ut quae praesertim extimuerat secuta sint : Quod etenim in aliis praecavere voluerat, primus ipse sensit, et, ut sedendi libertatem haberet, contendit ; frustra deprecante et objurante Bankio, in humum se, quamvis nive coopertam, demisit, et vix ne in somnum inciderit ab amico retentus est. Niger quoque famulus Richmondus, eadem a frigore passus, jam torpescere incipiebat : Bankius, unum ex comitantibus, qui ignem commodo loco excitaret, praemisit, ipse cum Solandro et Richmondo mansit, quos, quatuor aliis adjuvantibus, partim precibus, partim vi, per scabras quasque paludes et cumulorum obstacula aegre tractos, jam omnino deficientes ut longius duci se finerent, iterum atque hocquilequam orit : Richmondo tandem narratur, eum nisi ulterius progredi conetur, gelu brevi moriturum ;

rum; liceat, ait, federe et mori: Solander vero non sic vitam abdicare voluit, sed ulterius se, postquam somnum cepisset, quamvis in somno mortem esse paulo ante minitatus esset, profecturum dixit.

Dum Bankio caeterisque eos portare ultra vires esset, sedendi veniam demum obtinuerunt, dumisque enixi, exiguo temporis intervallo, in profundum inciderunt somnum. Brevi post, grato fuscitati ignis allato nuncio, vix summis Bankii conatibus feliciter tamen demum Solander excitatus est: Qui, quamvis duodecimam tantum horae partem dormiisset, membrorum ferreusum omnino perdiderat, adeoque contracti erant musculi, ut calcei a pedibus ceciderant. Jam sociorum auxilio fretus, procedere non recusavit, dum nullam mi-fero, heu! Richmondo opem ferre potuerunt † ‡.

Exemplum est frigoris potestatis sedativae nonnulla inter animalia, quae tempestate hyemali multum dormiunt, et ex toto fere torpent, viz. ursi, glires, vespertiones, et alia inter haec enumeranda sunt, hyeme non pascuntur, excreta omnia obstruuntur, cessat respiratio, et omnia fere viscera nullis officiis funguntur; alia extincta quasi, alia ad formam foetus innati redire videntur,

† Vide Bank's voyages, vol. 2. p. 46.

‡ Vide transcript. in thes. inaugural. Dr Highmore.



tur, et tamdiu permanent, quam calore aetatis stimulantis vicino omnes functiones renovantur.

Omnia stimulantia immodice assumpta brevi tempore somno maximè favent, quorum opium et vinum (quae revera, ni multum fallor, tantum in gradu inter se discrepant) et corporis exercitatio sunt exempla; quae hoc modo sequenti exponi possunt.

Multis experimentis constat, si vis cerebri varias ob causas sit validior aut debilior, hac lege contingit, quo magis stimulo vis ejus augeatur, major sequitur postea debilitas; et verisimile est, hanc propter legem systematis nervosae musculo contracto relaxationem semper sequelam esse, et, ni spasmus adsit, contractionem non diu manere posse; hinc ratio patet, cur motus voluntarii supra modum excitati lassitudinem et deinde somnum adducunt.

Inter causas somnum inducentes enumerantur remedia narcotica, quae quamprimum nervos afficiunt, et vires eorum attenuant, quorum nicotiana, carbonis ardentis vapores, aër respiratione corruptus et fermentatione ortus, sunt exempla.

Multae sunt aliae causae quae nunc praescribere longum foret; sed paucis notandum est, quo longius omnino hominum ex convictu et rebus cunctis externis se quisque

quisque removet, eo majorem ad somnum fore proclivitatem ; quod experimento sequente patebit.

Si quis solitum post somnum nocturnum meridie proxima in conclavi luce externa exclusa, et omni animum aut delectante aut excruciante remoto, lectum in-  
eat, paulo post tempore somno inevitabili afficietur. Hinc mihi visum est, quod quocunque modo sensus externi impediuntur, eodem etiam interni, et omnino igitur existentiae sumus immemores, aut somnus inducitur.

Somnus igitur tribus modis diversis oriri potest.

Imprimis, omnia externa quae nervos afficiunt amovendo ; 2do, Cerebrum comprimendo, aut alioqui laedendo, quibus sensus rerum externarum minime vel difficillime percipiuntur ; 3tio, Nervorum extrema laedendo, quo stimulis affici inepti fiunt.

Ex causis supra enumeratis soporiferis, illae somno inimicae clare patebunt ; quae igitur nunc paucis quam possum percurram. Omnia stimulantia corpori admota, externa vel interna, illa, viz. lux vivida, strepitus, dolor, fames, sitis ; haec, scilicet ira, gaudium, moeror, metus, anxietas, cupido vehemens, memoria aut imaginatio vivida, cogitatio, somnum adimunt. Morbis

C

praesertim



praesertim somnus raro obtinetur ; in febribus praecipue, cum ob molestiam generalem, tum ob cursum sanguinis versus caput adauctum, tum quoque ob ventriculum male se habentem, et crudo cibo gravatum aut potu distentum ; in hypochondriasi, dyspepsia, hysteria a cibi concoctione impedita ; hinc oriuntur oppressio, anxietas, dolor ventriculi, ructus ab aëre extricato, cordis palpitatio, et spiritus difficilis, quibus somnus rumpitur.

Sed medendi indicatio clara est. Impetum sanguinis imprimis suppressere, et sanguinem ad superficiem terminare, ventriculum deplere, coenae levi consuecere, et saepe incoenam decumbere.

### P R O X I M A C A U S A.

Proxima causa somni medicorum et philosophorum attentionem summo jure sibi vindicavit ; plurimique et viri ingeniosissimi, quos inter clarum Hallerum numerare oportet, operam haud exiguam in causa ejus investiganda collocarunt, variasque conjecturas de ea protulerunt ; sed adhuc latet et fortasse semper latebit.

Hanc ob difficultatem, pars est dissertationis, quam  
maxima

maxima cum diffidentia tractare me oportet, multa phaenomena inexplicata praescientem, conjecturis de hac re optimis prius memoratis.

\* Hallerus celeberrimus somnum causis mechanicis, compressioni scilicet, ascripsit, has propter observationes, quod variis calidis induci, quae sanguinem ad cerebrum citius cogunt confluere, vinum, alcohol omnis generis, tunc maxime si in vaporem resolutum fuerit, ciborum particulae immeabiles, febres acutae variae et pessimae; vel in iis causis quae non sinunt redire, ut obesitas, compressio durae matris et cerebri, quaecumque nata a sanguine effuso, impacto osse, aquae in ventriculis copia. Has omnes causas in eo consentire videri putat, ut sanguis in caput congestus cerebrum comprimatur, et viam spirituum in nervos intercipiat.

Nil dubii est quin causis supradictis somnus oriatur; sed huius sententiae cultores rogarem, num talibus inductus naturalis est? Me iudice, hoc nomine haudquam est dignus, sed inter morbos ordinis comatis potius enumerari.

Nam

• Vide Primas Lineas Halleri, par. 583. et 584.

Nam ab illo excitati, reſecti, et vegeti reſurgimus, et perſtat per diem vigilia; ſed ab hoc excitati minime vegeti, et ſtimulo ceſſante vigilia ceſſat, et coma revertit.

Si ſomnus a compreſſione penderet, tanta ſanguinis accumulatio quanta ſomno ſufficeret corpore erecto vix unquam adeſſet; ſed res ſe aliter habet, quia nos ſtantes, ſedentes, et ſaepe equitantes opprimit, et hujus exemplum eſt frequens apud equeſtres itinere longo fatigatos. Si compreſſio ſit cauſa ob ſanguinis curſum verſus caput auctum, non tanta ad vigiliam prima luce foret proclivitas, ſed major ad ſomnum a corpore decumbente.

\* Alia Hallero fuit ſententia, verbis ſuis ſequentibus. In ſomno naturali et omnibus animalibus communi videtur defectus ſpirituum in cauſa eſſe, quos motus muſculares et ſenſuum exercitium quocunque modo conſumpſit, et quorum vim magnam exhalare probabile eſt. Et durante ſomno ſecretio liquidi nervoſi fieri pergit et conſumptio ſubtrahitur, coacervatur ſenſim in cerebro id liquidum, nervos collapſos diſtendit.

\* Vide Prim. Lineas, par. 530. et 539.



dit et replet, et minimo stimulo accedente redeunt ad actionem suam sensus interni et externi, et vigiliae restituantur.

Sed haec sententia, me iudice, nil valet ; quia profecto haecenus non constat, cerebrum ullum fecernere humorem, aut fluidum ullum in nervis inesse ; nam neque tument ligati, neque secti ullum humorem effundunt ; et male fluido suo nervis exhaustis tribuitur, quoniam somnus saepe facile prorogetur, exhausto ut creditur fluido, et producatu diu postquam nervi fluido proprio debuissent abundare. Si a fluido nervorum exhausto penderet somnus, ejus regressus variis temporibus adesset citior aut tardior, pro causis fluidum minuentibus ; sed hoc nequaquam contingit, quoniam fixis temporibus somnus opprimit.

Nunc, si mihi liceat, paucis quam possum meam de proxima causa sententiam referam. Omnibus ex phaenomenis somni accedentis, me iudice, patebit quasdam functiones omnino fere quiescere, dum aliarum actio tantum minuat ; languor et inertia functionum animalium illud ad probandum juvant, et actio cordis et arteriarum imminuta ad hoc confirmandum ; et quoniam physiologici omnes consentiunt motus corporis,  
et

et cordis arteriarumque actionem a vi nervosa sola pendere manifestum videtur, hac imminuta, vim circulationis etiam imminui. Haec igitur mea fit sententia, somnum pro proxima causa vim nervosam imminutam habere. Quippe quod, si in animo diligenter agitemus causas somni excitantes, liquido patescit, omnes eas somnum inducere vim cerebri debilitando; et quamvis multae earum minime nervos primum afficiunt, effectum tamen edunt arctum ob nexum qui inter nervos musculosque intercedit, quoniam causae illos infirmantes hos relaxant, et causae musculos laxantes nervos infirmant. Si etiam ad vigiliae accedentis phaenomena spectemus, constat, causis stimulantibus induci, et omnes somno inimicas esse.

Omnibus his somni et vigiliae causis conjunctis, celeberrimo nostro Culleno et Doctore Cleghorn (qui nuper de hac re dissertationem inauguralem edidit) assentio syncopen inter somnum et mortem locum medium tenere, et diversos ejusdem causae effectus esse, non nisi in gradu inter se differentes; quippe quod causae somno faventes immodice adhibitae syncopen mortemque etiam producant; et quod causae somno inimicae optima sunt remedia a syncope, vel saepe etiam in articulo

culo mortis, ad sanitatem redigendam. Si quis m-  
garet, quae sit natura vis nervosae, et ex quo const-  
minutio supradicta, nil nisi conjecturam sequentem mi-  
ditate proponam, viz. Bene nunc notum est, sanguinem  
ab aëre fluidum aliquid accipere, secundum sententiam  
Doctōris Crawford calorem latentem vocatum, quod  
summo jure nomen pabuli vel principii vitae bene me-  
retur.

Calor gigni vel respiratione creditur, vel quovis alio  
modo, quo aër mephiti et phlogisto corrumpitur, hac  
potissimum ratione; quod dum aër phlogiston seu ele-  
mentum illud, quicquid demum fuerit, ab alio corpore  
attrahat, quod ipsum venenatum reddat, calorem suum  
latentem quem plurimum habet, simul magna copia edit;  
et hoc modo colorem rubrum et floridum et calorem  
sanguinis comparet; sanguis vero per venas redit hocce  
colore et calore privatus. Quid sit de calore vel fluido  
subtilissimo? Anne nervis extremis sorbetur, qui arte-  
rias undique comitantur? Si res ita se habet, causa  
somnia fatigatos opprimentis patet, scilicet, a sanguine  
propter absorptionem majorem quam respiratione resti-  
tuitur. Et hoc modo vis frigoris sedativa exponi potest,  
calore sanguinis deficiente, cujus quidam vi praecipua  
naturae



naturae opera geruntur ; namque, illo ablato, torpor succederet, stuporque, quin et ipsa mors, sequeretur.

## DE SOMNI UTILITATE.

Ufus somni ex effectibus quos in animalibus habet satis apparet ; vires et animi et corporis exercitio consumptas reficit. Musculi diei labore finito fatigantur, laxantur, debiles fiunt, et ad vitae munera parum valentes, sed tranquillitate noctis et somni quiete, proxima prima luce roborantur, ad pristinam et sanam firmitatem redeunt, et omnibus tum corporis tum mentis functionibus idonei fiunt. Pulsus cordis arteriarumque, plurima propter irritamenta, quibus per diem obijcimus, frequentior evadit, post pastum praesertim auctus, et vesperi celeritate augetur ad febriculam pene accedens ; sed requie et somno finitis, quum primo expergiscimur, ad moderationem matutinam reducitur. Somnus hunc propter effectum in morbis merito pro remedio habetur.

Alimenti

Alimenti concoctioni et appositioni nutrimenti ad reparandum partium solidarum jacturam favere videtur (secundum nostrum Gregorium) quoniam actiones naturales pergunt etiam in somno quam perfectissimo, quamvis nonnihil lentiores quam in vigilia, plerumque observentur. Cordis propter actionem minutam secretiones et excretiones etiam minuuntur, et progressio faecum debilitatur. Humores secreti tenuiores lentius promoventur, et paulatim spissescunt, Pinguedo in telam cellulosam modice effusa colligitur; sed somnus justo protractior majori copia effundit; et cito supervenit obesitas morbosa. Somni utilitas fit clarior, si rationem habemus morborum qui vigilia nimis protracta saepe oriuntur. Sensus externi et interni imperfecti et depravati fiunt, dolor capitis, vertigo, debilitas, memoria deleta, delirium, et saepe infania ipsa oriuntur; artus debilitantur, circulatio inordinata, frequens, aut tardior, et semper debilior fit; calor febrilis et concoctio cibi prava; hinc oriuntur omnia dyspepsiae symptomata, secretiones impediuntur, corpus marcescit, et mors ipsa cito sequitur.

Hanc propter utilitatem ad valetudinem promovendam, somnus multos morbos ad arcendos vel levandos remedium saepe eximium est.

In febribus omnigenis maxime prodest et semper remediis laxantibus, minime stimulantibus excitandi, me judice, indicatio foret. Multis in morbis spasmodicis remedia sedantia saepe valent ad mobilitatem systematis corrigendam, quae, a variis causis diversis pendens, variis temporibus remedia diversa exigit.

Variat somni duratio pro aetate, consuetudine, et causis excitantibus. Foetus per novem menses dum in utero latens perpetuo dormire videtur, quod ex hoc patet, partus immaturos, sed superstites tamen, primos menses per totos dormire; et legibus naturae concurrere videtur, somnum infantibus longo post partum alendo maxime prodesse, quoniam infantes cum caeteris animalibus maximam utilitatem exhibent. Pueri plus quam homines dormiunt, et corpore indies crescente plus somni exigitur corpus ad alendum et reficiendum; cui, ni fallor, haud parum confert.

Media aetate homines minus dormiunt, sed hoc variat pro victu quo utuntur et corporis mentisque exercitio; vitam luxuriosam et sedentariam degentibus minus exigitur, et somni frequens accessus summa vi est arcendus; rebus sic stantibus, plethora totius corporis inducitur, et somno invito multum per diem oculi connivent, dormitores



dormitores et injucundi fiunt amicis ; et morbo proximus est : Sed vitam laboriosam degentibus somno magis opus est musculos fatigatos ad roborandos. Sed mediam vitam somnus per septem horas noctis degentibus sufficit.

Somni autem duratio a vi consuetudinis multum pendet ; quoniam alii quatuor horarum somno contenti sunt, alii decem et amplius horas de die in somno consumunt, et fixis temporibus diei noctisque redit somni cupiditas. Et exempla hominum plurima adfunt, qui sine manifesta causa totos dies, vel etiam menses, somno vix interrupto transierunt. Hujus exemplum haud mihi etiam est alienum, viri jam anno octagesimo primo aetatis degentis, integra valetudine, minime obesi, cui per annos viginti praeteritos mos fuit immota, alternis vicibus sex hebdomadas somno, sex etiam vigilia fere omnino consumere ; illis durantibus, excitatio ad cibum vel potum sumendum est perdifficilis ; his, vigilia valente per noctes vix aut ne vix quidem unquam dormiat, et fames perstat, sed tempore finito somnus redit.

Somni duratio multum a causis excitantibus, pro viribus aut diuturnitate immodice adhibitis, viz. nimias propter evacuationes, venerem praecipue immodice  
cultam,

cultam, abſtinentiam nimis protractam, frigus vehemens, multum laborem, debilitatem, quae convaleſcentibus febre finita ſaepius accedit, et narcotica quae mortem producunt.

Somnus juſto protractior haud parum nocet; namque ad omnes effectus lentae circulationis diſponit, totum corpus debile, torpidum, et languidum reddit, obſitatem, ſomnolentiam, et cachexiam gignit; ſed memoriae potiffimum eſt detrimentum.

Eſt modus in rebus, ſunt certi denique fines,  
Quos ultra citraque nequit conſiſtere rectum.

## D E S O M N I I S.

Nunc de ſomniis eſt mihi tractandum, quae ſomnum ſaepius comitantur, et pars eſt ubi plurimae difficultates urgent. Ad hanc rem igitur minime mihi in animo eſt rem quaſi metaphyſicam ſpectare, quia ingenium maxime ſuperat; nec hujusmodi contemplatio rebus medicis unquam convenit; quapropter, quantum ad medicinam pertinet, tantum tractabo.

Multi putarunt, et apud vulgus ſententia adhuc maxime valet, inſomnia eſſe perpetua et a ſomno inſuperabilia, et inſtantibus ſalutem, vel abſentibus morbum

bum, dignosci; hoc vero, me iudice, legibus naturae minime convenit; insomnia namque ad morbi genus potius referimus, vel ad aliquam causam stimulantem, quae quietem perfectam sensorii interrumpit; hinc quod maxime reficit somnus a quo insomnia absunt, aut eorum saltem memoria abest. Somnia, externa quamquam facie, haudquaquam tam diversa sunt quam plurimi putaverunt auctores, et, ni fallor, tantum in gradu inter se discrepant; cuius confirmatio pagellis insequentibus maximum mihi studium erit.

Cerebrum, Cullenio iudice, se duplici modo fas sit habere; alter excitatus, alter status collapsus, ab eo vocatur. In illo, adfit vigilia, quo statu rebus externis affici corpus fit promptius: In hoc, somnus praevalet, quo minus vel vix omnino afficitur. Cerebrum vero inter hoc locum medium tenet, et delirium adest. Ex his tribus diversis plurima oriantur phaenomena.

In hoc statu medio, totam vim cerebri haudquaquam ex aequo excitari patebit; (quod hoc modo intelligitur). Tempore, quo altera pars excitari et externis affici promptior esse videtur, vim partis alterius magis imminui et minus idoneum fieri; hujus est illustratio cuivis secum volventi, quod obdormiscen-

tibus



tibus contingat, scilicet, sensus internos vel externos vix unquam semel et omnino vanescere; ex. gr. Audiendi saepe facultas, visu ablato, paulisper permanet, et etiam dum loci decubitûs memoria permanet, praeteritorum parum recordantur, cum mortuis vel absentibus colloquuntur, falsa cum veris mire miscent, imaginibus prorsus vanis atque absurdis terrentur; sed, cerebro penitus collapsio, vanescunt sentiendi facultas, et imaginatio tota, existentiae omnino fiunt immemores, et somnus inducitur. Nec res aliter expergiscentibus eveniant; sensus enim minime eodem temporis momento restituuntur, quoniam non adeo subito somnus rumpitur, quin perturbatio sensuum internorum, infomnium, hebetudo, et imperfectus externorum sensuum usus, plerumque observentur. Expergiscimur demum, membra diu flexa extendimus, oscitamus, exiguo temporis spatio, omnium corporis animique facultatum compotes facti \*.

Somniorum phaenomena aequae ac cogitationes, ut mihi videntur, nequaquam causam diversam, sed sibi eandem habent, et a statu cerebri quodam motibusque intus orientibus pendet. Somnia igitur, quo major est

cerebri

\* Vide pag. 5. hujus dissertationis.

cerebri excitatio, eo maxime fulgent, et semper vigiliae proxima sunt.

Mentis alienatio, somno perstante, (Culleno iudice), a sensorio obstructo inducitur; iudicii namque facultas, (qua ideas qualescumque contemplamur comparamus, earum similitudines et differentias detegimus, variasque inde conclusiones deducimus), a sensorio omnino se liberum habente pendet; altera pars igitur quiescens, alterâ excitatâ, imaginationes falsas et absurdas inducit.

Somniorum gradus quamplurimi sunt, summa ex vigilia usque ad somnum perfectissimum; apud priores enumerandi sunt somnambulantes, qui stabilitate movent; et ratio patet, viz. Mens aliis externis parum vel minime afficitur, timor abest; quapropter in hanc rem praecipuam diligenter incumbunt.

His rite spectatis, integra valetudine, insomnia contra naturam mihi videntur; sed nunc quaestio apud auctores multum agitata urget, Anne homines semper somniant? Qui somnia esse perpetua contendunt, hoc modo loquuntur: Ea est animi natura, quae eam perpetuo cogitare cogit. Huic sententiae assentire nolo; minime autem negare vellem, quod multae cogitationes menti semet offerant, ita ordinatae uti consueviimus

eas antea fuisse perceptas, adeo tamen obscurae ut temporis meminisse nequeamus; nec defunt hominum exempla qui canunt, resque multas in somno peragunt, quarum omnium memoria mane perit.

Etenim quidem legibus naturae consentaneum est, quietem menti perfectissimam aequae ac corpori prodesse; quoniam exercitatione memoriae, imaginationis, atque iudicii, mens plurimum fatigatur, nec unquam se prius recolligit quam ad tempus quievit; si quavis cogitatione diu occupata fuerit, deletur ingenium, aut manet inutile, nisi variis rebus jucundis vicissim versatur. Nec corpus se aliter habet; namque fatigatum functionibus ineptum fit, et quiete maxime opus est. Quapropter nequaquam auctoribus consentiam, mentem perpetuis per noctes per dies cogitationibus agitari; sed mentem corpusque eodem tempore quietem petere, et illa fatigata, hoc etiam languescere et suavissimi somni se complexibus fidere.

Si pendeat iudicii facultas a sensorio se liberum omnino habente, somniorum memoria mihi a cerebro magis excitato pendere videtur, et vigilia proxima sunt; matutina igitur saepius et diutius recordantur.

Somnia



Somnia igitur pro causa proxima cerebrum non aequè collapsum habere, et pro causis remotis, stimulantia corpori adhibita, mihi videntur; ob hanc causam praecipuam, quod nunquam in somno altissimo vel prima nocte adeste videntur, sed impressione quadam externa vel interna adeo valida ut sentire facit, sed somnum non rumpit objecta, vel mane ab excretis congestis stimulum praebentibus, vel corpore se male habente, dormientes somniis terrentur.

Insomnia in initio vestigia saepe sequuntur sensuum, qui originem praebuerunt, et saepe agitant, delectant, angunt, terrent, et in novos orbes rapiunt; cujus noster Gregorius de seipso hoc exemplum in praelectionibus semper offert. Nocte quadam, rigores, horrores abnormes, anxietatem, et febris accedentis symptomata percipiens, mature se ad lectum contulit, et aquae tepidae lagenas pedibus adhibuit; paulo post tempore, somno ei sepulto somnium per Ætnam iter faciendi aderat, et omnia quae anno priori revera aspexit tunc in mentem venierunt; et altera parte, frigore pedibus applicato, per Alpes vel alias vias gelidas nivalesque, et nudati fortasse, transiendi orientur somnia: Et alia huiusmodi sunt exempla; viz. a situ corporis supino, aut a

ventriculo multo cibo vel vino gravato, sensus ponderis alicujus incumbentis, et pectus praecipue comprimentis, oritur; a cursu sanguinis versus organa genitalia, penis erigitur, coitûs cupido adfit, et semen emittitur. Respiratione impedita, incubus et sensus suffocationis, vel a loco praecipiti ac lubrico se projicientis, saepe superveniunt; hinc multos thoracis morbos, scilicet, hydrothoracem, aneurismata, et vasorum ossificationem, atque alios, dignoscit.

Insomnia saepe cogitationibus diurnis conveniunt; hinc fortasse proverbii origo est: Narra mihi somnia, tuasque cogitationes diurnas narrabo.

Poetae hujus multa exempla praebent, et, somnia Heroium Heroinarumque pingentes, in hoc animadvertunt; et forte vera convenire carent. Dido, Ænea deserta, iter longum incommitata faciendi, Tyriosque quaerentis, somnium habebat

Agit ipse furem

In somnis ferus Æneas: semperque relinqui

Sola sibi, semper longam incommitata videtur

Ire viam, et Tyrios deserta quaerere terra.

*Virg. Æn. iv. 465.*

Et hoc modo, utramque diurnam cogitationem maximam,

nam, scilicet, amorem populi atque sortem relictam,  
eodem tempore conjungunt.

Alterum est exemplum pulcherrimum Æneae ani-  
mo vexati, Trojam fugientis et per oceanum jactati,

Nox erat, et terris animalia somnus habebat,

Effigies sacrae Divum, Phrygiique Penates,

Quos mecum a Troja mediisque ex ignibus urbis

Extuleram, visi ante oculos astare jacentis

In somnis, multo manifesti lumine; qua se

Plena per insertas fundebat Luna fenestras.

Tum sic affari, et curas his demere dictis.

*Virg. Æneid 3. l. 147.*

Liceat mihi, lectores candidi, verba ejusdem celeberrimi poetæ sequentia, prioribus nitore aequata, citare, et nihil amplius,

Tempus erat, quo prima quies mortalibus aegris

Incipit, et dono Divum gratissima serpit.

In somnis ecce ante oculos moestissimus Hector

Visus adesse mihi, largosque effundere fletus;

Raptatus bigis, ut quondam, uterque cruento

Pulvere, perque pedes trajectus lora tumentes.

*Æneid, lib. ii. 268.*

Quoniam hujusmodi tanta sunt exempla, summo  
jure pro certo habere justum mihi videtur, somnia  
diurnis



diurnis cogitationibus similitudinem saepissime et semper fortasse habere, quanquam dormientibus nonnunquam aegre conspiciuntur. Cogitationes enim in somniis minime ex impressionibus in sensibus externis, sed ex stimulis internis, oriuntur; illae igitur in mentem potius et frequentius redient, quorum vestigia tunc temporis et nuperrime fuit maximè occupata\*.

In aetate omni fere apud vulgus fuit sententia, laeta prosperaque omnia vel quaedam mala ex somniis portendi; et pauca equidem mentes superstitiosas amplius occuparunt quam somniorum interpretationes, et fatuis quidem saepissime verisimiles videntur. Talia vero sagaci speculanti contingentia haudquaquam futuri, sed eo tempore instantis vel praeteriti sunt indicia, nisi quicquid boni aut mali futuri mentem praeoccupavit; hoc se ita habente, somnia cum auguriis consentire fas sit.

Conjecturis igitur se ita postea ferentibus, somniisque illas simulantibus, minime mirandum est, somnium praeteritum eventi futuri similitudinem habere. Ex. gr. si juvenem ex meis intimis familiaribus opes luxurie prodigenter aspiciam, summo jure mihi praedicere  
 liceat,

\* Vide Cullen's *Materia Medica*, on sedatives.

liceat, se ad inopiam cito redactum fore ; talis conjectura me per diem vigilantem inquietans, etiam in mentem dormientis revenire fas est, et forma astantis sordidati, et summa miseria oppressi, fortasse meis oculis objicietur. Si postea revera ita se habeant, haudquaquam somnio portendi mihi pro certo concedere licebit.

Non omnino tamen negare vellem, morbos futuros a somniis praedici, quoniam in temperamentis quibusdam praecursores et comites sunt ; ob hanc causam, quod in initio vestigia saepe sequuntur sensuum qui originem praebuerunt, ex. gr. cuivis ad febrem proclivi, laborem maximum sustinendi somnium forte adfuerit, et morbis etiam thoracis somnia dira saepe praecurrant.

Hinc medicorum judicium ad morbos accedentes dignoscendos saepe multum adjuvatur his somniis praecurrentibus ; et contra, morbo recedente, somnia jucunda, non dira, ab aegritudine recreationem dignoscunt ; sed hoc mihi verum videtur, somniis minus et rarius urgentibus, eo majorem esse salutem.







